

- Cant. 13. Ego heic moror, vel arundinum nemoris incuriosa. Ne cogitatione quidem
 9. recolit me Madhusûdanas. Quid perfugii relictum est mihi, amicae sermone
 deceptae?
10. Vatis, cui sub pedibus Haris refugium est, Jayadêvae Musa, molles nu-
 meros modulata, insideat in corde, veluti puella amata. Quo quaeram, eheu,
 nunc refugium, amicae sermone decepta?
11. Sequiturne nunc amicam quandam? detinentne eum amici, iucundis lu-
 sibus dediti? pervagaturve viciniam silvarum, noctis caligine coopertarum? num
 dilectus, anima lassus, breve iter perficere non valuit, siquidem amoenum cala-
 morum umbraculum, congressui designatum, nondum adiit?
12. Râdha amicam sine Mâdhava adventantem, moestitia silentem conspiciens,
 amasium, hominum votis expetitur, alia puella allectum rata, haec dixit, quasi
 ante oculos eum tuita:
- Cant. 14. »Vestibus induta, quibus decet pugnam Amoris inire, dispersos flores per
 13. discussos capillos gerens, puella quaedam, virtutibus laetior, ab hoste Madhuis
 delectatur.
14. Haris amplexu generatis amoris vicibus fruens, super papillarum urnis unio-
 num strophium agitans, puella quaedam, virtutibus laetior, ab hoste Madhuis
 delectatur.
15. Faciei lunam cincinnis circumvolitantibus nitefaciens, in voluptate potionis
 ex eius labiis hauriendae morata, puella quaedam, virtutibus laetior, ab hoste
 Madhuis delectatur.
16. Inauribus concussis genas feriens, femorum cingulo sonororum agitatione
 oscillans, puella quaedam, virtutibus laetior, ab hoste Madhuis delectatur.
17. Risum pudore temperans, quum intuetur amasius, voluptatis cantum mul-
 tis modis susurrans, puella quaedam, virtutibus laetior, ab hoste Madhuis delectatur.
18. Tota capillis erecta, large suspirando quasi fracta, spiritu et nictatione vo-
 luptatem palam faciens, quaedam puella, virtutibus laetior, ab hoste Madhuis
 delectatur.
19. Multis sudoris guttis corpus laetificans, in sinum collapsa, licet strenua in
 proeliis Amoris, puella quaedam, virtutibus laetior, ab hoste Madhuis delectatur.
20. Voluptates Haris, a pio Jayadêva descriptae, sedent illuviem Kalis aevi;
 quaedam puella, virtutibus laetior, ab hoste Madhuis delectatur.
21. Luna, cuius nitor pallidus est tanquam nymphaea vultus Krishnae, separa-
 tionem dolentis, valde auget, eheu, in corde meo amoris febrim, rationem-
 que obscurat, auxiliatrix Cupidinis.